



Broj: 05/7-50-13-370-33/17

Sarajevo, **25.1.2018.**

Z A P I S N I K

33. sjednice Vijeća nacionalnih manjina BiH, održane 25.1.2018.

Sjednica je počela u 17 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Andrija Svatok, prvi zamjenik predsjedavajućeg Vijeća nacionalnih manjina BiH, Halil Bicaj, Marija Grbić, Dejan Piotrovski, Eva Pašić-Juhas, Jovanka Manzalović-Šalaka, Hakan Varan, Velibor Kuvač, Dragan Marković, Todorka Jovanović, Nedžad Jusić, Vjeročka Gajić, Jakob Finci, Silvija Vujović, Mladen Radmilović i Davor Ebner.

Sjednici nije prisustvovala Tijana Vučurević, druga zamjenica predsjedavajućeg Vijeća nacionalnih manjina BiH.

Sjednici su, također, prisustvovali: Želimir Lalić, šef Odsjeka za zaštitu prava i saradnju s nacionalnim i drugim manjinama, vjerskim zajednicama i nevladinim organizacijama Ministarstva za ljudska prava i izbjeglice BiH, Branislava Vignjević, stručna savjetnica u Zajedničkoj komisiji za ljudska prava, i Anđelka Dobrilović-Rajak, stručna saradnica u Zajedničkoj komisiji za ljudska prava.

Predsjedavajući Vijeća nacionalnih manjina BiH Tihomir Knežiček, otvorio je raspravu o dnevnom redu. U raspravi su učestvovali Nedžad Jusić i Dragan Marković.

Članovi Vijeća nacionalnih manjina BiH **usvojili** su prijedlog da se pod tačkom 5. dnevnog reda ne razmatraju:

- Informacija o opomeni upućenoj Draganu Markoviću,
- Informacija o dopisu za poništenje 32. sjednice Vijeća nacionalnih manjina BiH.

Članovi Vijeća nacionalnih manjina BiH usvojili su sljedeći

D N E V N I R E D

1. Usvajanje Zapisnika 32. sjednice Vijeća nacionalnih manjina BiH;
2. Razmatranje Izvještaja o radu Vijeća nacionalnih manjina za 2017. godinu;
3. Razmatranje prijedloga za izmjene i dopune Poslovnika Vijeća nacionalnih manjina BiH;
4. Prijedlog razmatranja sistemskog rješavanja finansiranja rada udruženja nacionalnih manjina;
5. Razno.

Ad.1. Usvajanje Zapisnika 32. sjednice Vijeća nacionalnih manjina BiH

Predsjedavajući Vijeća nacionalnih manjina BiH Tihomir Knežiček, otvorio je raspravu o ovoj tački dnevnog reda. U raspravi su učestvovali: Dragan Marković, Tihomir Knežiček i Anđelka Dobrilović-Rajak, stručna saradnica u Zajedničkoj komisiji za ljudska prava.

Vijeće nacionalnih manjina je, s **14 glasova „za“, jednim glasom „protiv“ i dva glasa „suzdržan“**, usvojilo Zapisnik 32. sjednice Vijeća, s predloženim korekcijama.

Ad.2. Razmatranje Izvještaja o radu Vijeća nacionalnih manjina za 2017. godinu

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Velibor Kuvač, Eva Pašić-Juhas, Jovanka Manzalović-Šalaka, Tihomir Knežiček, Nedžad Jusić i Želimir Lalić, predstavnik Ministarstva za ljudska prava i izbjeglice BiH.

Vijeće nacionalnih manjina je, s **15 glasova „za“ i dva glasa „suzdržan“**, usvojilo Izvještaj o radu Vijeća nacionalnih manjina za 2017. godinu, s predloženim korekcijama.

Ad.3. Razmatranje prijedloga za izmjene i dopune Poslovnika Vijeća nacionalnih manjina BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Dragan Marković, Jakob Finci, Nedžad Jusić, Velibor Kuvač, Tihomir Knežiček, Eva Pašić-Juhas i Anđelka Dobrilović-Rajak, stručna saradnica u Zajedničkoj komisiji za ljudska prava.

Nakon rasprave, Dragan Marković povukao je prijedlog za izmjene i dopune Poslovnika Vijeća nacionalnih manjina BiH, **te se Vijeće nije izjašnjavalo o izmjenama i dopunama Poslovnika.**

Ad.4. Prijedlog razmatranja sistemskog rješavanja finansiranja rada udruženja nacionalnih manjina

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Eva Pašić-Juhas, Tihomir Knežiček, Nedžad Jusić, Andrija Svatok, Dragan Marković, Marija Grbić, Dejan Piotrovski, Hakan Varana, Velibor Kuvač i Želimir Lalić, predstavnik Ministarstva za ljudska prava i izbjeglice BiH.

Nakon rasprave, Vijeće nacionalnih manjina BiH **jednoglasno** je usvojilo prijedlog da, u skladu s članom 22. Zakona o zaštiti prava pripadnika nacionalnih manjina („Službeni glasnik BiH“, br. 12/03, 76/05 i 93/08), Predstavničkom domu i Domu naroda Parlamentarne skupštine BiH uputi prijedlog preporuke na razmatranje i usvajanje, kojim Predstavnički dom i Dom naroda Parlamentarne skupštine BiH podsjećaju Vladu Federacije Bosne i Hercegovine, Vladu Republike Srpske i Vladu Brčko Distrikta BiH na odredbe Zakona o zaštiti prava pripadnika nacionalnih manjina („Službeni glasnik BiH“, br. 12/03, 76/05 i 93/08), te poziva da se odredbe navedenog zakona dosljedno poštuju, a posebno član 8. koji glasi:

„BiH, entiteti, kantoni, gradovi i općine u BiH dužni su u okviru svojih budžetskih sredstava osigurati sredstva radi ostvarivanja prava koja pripadaju nacionalnim manjinama po osnovu ovog zakona.“

Ad.5. Razno

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi je učestvovao Nedžad Jusić.

Vijeće nacionalnih manjina BiH jednoglasno je usvojilo prijedlog Nedžada Jusića da se na narednoj sjednici Vijeća razmatra Prijedlog izmjena i dopuna Zakona o prebivalištu i boravištu državljana BiH, s posebnim fokusom na nacionalne manjine.

Sjednica Vijeća nacionalnih manjina BiH završena je u 18,30 sati.

Sastavni dio Zapisnika je tonski snimak 33. sjednice Vijeća nacionalnih manjina BiH.

Predsjedavajući Vijeća nacionalnih manjina BiH
prof. dr. Tihomir Knežiček